

清·同治三年重刊本  
陳昌齊等撰  
中國省志彙編之十

# 廣東通志

(八)

華文書局股份有限公司印行

廣東通志卷二百九十二

列傳二十五 潮州一

吳錫 陳元光

趙德 以上 林從周 黃程

許申 林巽

盧伺 陳希偁

吳復古 劉允

張夔 王大寶

許騫 黃煥國

林昌期 王中行

盧順之 鄭南升

廣東通志卷二百九十二 列傳二十五

郭叔雲 姚宏中

胡斌 馬發

陳夢龍 趙嗣助

張達 李關 以上

陳肅 戴希文

張奐 以上 周伯玉

蘇福 林興祖

林士猷 林祖

胡文惠 林遜

曾牧 許利

歐陽初 余真 元孫善

李鳳 趙允

吳衡 林希蔭 林厚 希蔭子巖

鄭義 劉玘

郭張善 陳克昌 父彥恭

蕭鑿 李若林 以上

漢

吳錫字叔山揭陽人漢末察孝廉為安成長 黃建

安二十年孫權使呂岱督孫茂等大將從取長沙

三郡錫據攸縣權遣橫江將軍魯肅攻攸錫得突

走 三國志 呂岱傳曰錫受天子命為長知有漢不知有吳

也後權統有交廣遣步騭為交州刺史錫錫而不

廣東通志卷二百九十二 列傳二十五

見責錫亦不復仕 黃卒祀鄉賢 揭陽志

唐

陳元光揭陽人先世家穎川祖洪承義安因畱居

焉父政以武功著隸廣州揚威府元光明習韜鈴

善用兵有父風累官鷹揚衛將軍唐高宗儀鳳中

崖山劇賊陳謙攻陷岡州城邑徧掠嶺左閩粵驚

擾元光隨父政戍閩父死代為將潮州刺史常懷

德甚倚重之時高士廉有孫琯嗣封申國公左遷

循州司馬永隆二年盜起攻南海邊鄙琯受命專

征惟事招慰乃令元光擊降潮州盜提兵深入伐

山開道潛襲寇壘俘賊萬計嶺表悉平還軍于漳

奏請創置漳州謂周官七閩宜增爲八詔從之就命元光鎮撫久之殘黨復熾元光力戰而歿事聞上旌其忠初贈右豹韜衛大將軍詔立廟漳浦開元四年追封潁川侯詔賜彤弓二以彰有功諡昭烈

黃志

趙德海陽縣人大厯十三年戊午進士元和間韓愈刺潮置鄉校延德攝海陽尉爲衙推官勾當州學事戴志稱德沈雅專靜頗通經有文章能知先王之道論說且排異端宗孔氏可以爲師韓昌黎講置鄉校及愈改袁州欲攜與俱謝弗往愈高其操賦詩爲別有婆娑海水南簸弄明月珠之句又以平生所

廣東通志卷二百九十二 列傳二十五

三

作文授之德讀而序之曰昌黎公聖人之徒歟其文高出與古之遺文不相上下所履之道則堯舜禹湯文武周公孟軻楊雄所授受之實也卽其所言則其中有定見是非已不謬於聖人然德崛起於盛唐文章氣節卓有植立爲潮學宗固非待昌黎興起者學者稱爲天水先生後世思其德配祀昌黎云

黃志

宋

林從周海陽人景德二年除泉州南安主簿郡以符召爲椽日持手板與刺史廷辯曲直凜然有國士風戴志主計者聞其賢俾蒞劍州銀冶半歲入銅

銀七十一萬第其最以聞擢大理評士筦權永嘉遷本寺丞知開封考城縣丁母艱解官柴毀過禮服闋又丞殿中勾當諸司糧料院王欽若鎮餘杭奏辟爲副授太常博士通判杭州軍州事抗直不黨欽若初怒中悔悉以事委焉入朝以屯田員外郎充開封府推官全端撰墓碣銘轉度支員外提點浙江

東西刑獄公事在考城有惠政在開封以獄空年豐再獻賦頌一以規誠爲本上亦再降手詔褒之仁宗初郊從周以府僚侍祠例授一子出身念其弟從善早卒奏以予其孤焉子東喬歷官光祿寺丞司門郎中知汀州事次東美舉學究特奏名官比部員外郎知雷州事東喬子之定朝散郎知惠州事從周叔冀登祥符進士乙科試身言事判第一一歷官屯田員外郎其族人曰從可宣德郎曰東注通直郎粵大林之族列衣冠者十有七人從周其始也輿地紀勝海陽志云同時同邑黃程嘗結廬讀書西湖山與許申林從周皆爲陳堯佐獎引堯佐自潮召還攜程偕行欲畀以恩澤通籍赦然不受以遜同舍生從周後登天聖五年進士第官至太子中舍

廣東通志卷二百九十二 列傳二十五

四

許申字維之潮陽人咸平中陳堯佐通判潮州申以布衣見與語奇之及觀所爲文益加器重戴志竟

許申字維之潮陽人咸平中陳堯佐通判潮州申以布衣見與語奇之及觀所爲文益加器重戴志竟

佐自潮州倅以漕檝攝惠州要申偕行中道艤舟  
新月初出舟人各登岸纜甲夜俄有介冑百輩乘  
騎數人指呼甚明云今丞相漕使宿此其或疏虞  
毫髮不赦申與文惠公驚喜固不知孰相孰漕也  
明日詢其地有姚娘廟文惠自惠還潮親以文祭  
後居鈞軸凡歷官皆如向所言輿地紀勝大中祥符初  
舉賢良天子東封獻賦頌者數百人召試三人申  
在列學士院第其文擢申第一授將仕郎秘書省  
校書郎益特恩也出知相州鄴縣遷知韶州更吉  
建二州歷廣西提點刑獄改江西湖南路轉運使  
終刑部郎中嘗因災異言事極詆時弊凜然有直

廣東通志卷三十九

列傳二十五

五

臣風申爲人姿宇軒特識見通敏讀書一經目終  
身不忘爲文淵洽溫潤切劘端正根於所養云戴志  
申之子因仕至太子中舍孫三人聞誨衛尉寺丞  
聞義初知賓州終國子監博士聞一登皇祐元年  
進士會孫珽娶太宗會孫女德安縣主授左班殿  
直繼聞義知賓州在賓賜錦袍者六金帶者三終  
武功大夫明州觀察使廣南西路兵馬都監四世  
弁登元豐二年進士復繼珽知賓州終朝議大夫  
五世孫居仁居安同登元符三年進士居仁仕至  
朝議郎知貴州珽子仲禮仕至武節郎爲東南第  
十一將八世孫篤宣同登紹熙二年進士篤爲惠

州推官調南恩僉判自申而下仕總文武四十有  
一人焉黃志有高陽集遺稿劉允爲之序戴志

謹案申五世孫居安紹興五年進士黃志

傳及郭志選舉誤以爲與居仁同科

林巽字巽之海陽人天聖中應材識兼茂明於體  
用科對策鯁切有忤權貴有司不敢取慶曆中投  
匭論事仁宗鑒而異之官以徐州義曹巽不屑就  
毅然南歸讀易象自著一書有卦元有卦緯有叢  
辭有卦經有起律吹管有範餘敘和凡九篇名曰  
草範輿地紀勝人稱爲草範先生外有文集若干卷戴志  
盧侗字元伯海陽人行實樸茂事親至孝爲梓里

廣東通志卷三十九

列傳十五

六

推重甘旨暇手不釋卷嘗結廬讀書西湖山博習  
經術而易學尤粹自爲訓釋日與諸生相討論五  
應鄉薦皇祐五年以恩釋褐守本州長史嘉祐中  
余靖蔡襄王舉元皆薦侗文行調惠州歸善簿未  
幾靖帥廣州以機宜辟治平初諸司刻章交薦蔡  
抗以廣漕召還國子監亦復以經學薦之召對授  
國子監直講熙寧初力言新法不便遂求外補知  
柳循二州以太子中舍致仕立祭田及大潭塘以  
祀先人卒于家上同  
陳希卮字思仲揭陽人元豐間兩冠鄉書首薦漕  
臺津業太學十餘年聲譽日著士人目爲廣南夫

子上書陳利害數萬言皆切中時病志載未第時薦

太學生馬錫有文武才乞擢用上奇之曰白衣而

能薦人於天子自古未有錫後立功人以希伋為

知人輿地元祐六年舉經明行修賜第者三百四

十六人希伋第一知梅州時朝廷下諸州取黃砂

牛皮及出內庫錢買珍珠以備國用諸州郡皆供

應希伋獨不忍剝取於民乃上封事奏免州人德

之卒于官所著揭陽集文四百餘篇祀鄉賢志載

吳復古字子野一字遠遊揭陽人志趣超逸以父

宗為翰林院侍講蔭官當得皇宮教授遜于庶兄

居父母憂廬于墓者三年手植木墓傍又以餘力

葺治園亭教育子弟後遣去妻子築庵居潮陽直

浦都麻田山中絕粒不食間出遊四方徧交公卿

然一無所求每論出世法以長不死為餘事煉氣

服藥為士直志載見知于待制李師中師中於世少

屈獨於復古曰白雲在天引領何及後東坡黃門

與一時名士悉為知己東坡名其居曰遠遊且為

銘輿地復古于紹聖丙子至惠州同軾遊羅浮又

過循州見轍及軾安置儋州復古又從之遊羅浮

會軾嘗問養生復古對以曰安日和及軾南遷見

於真陽無一言及得喪休戚事獨告曰邯鄲之夢

猶足以破兵而歸真目見而身履之亦可以少悟

廣東通志卷三十一 列傳三十五

七

矣蘇詩及軾遇赦還復古與黃洞輩追送至清遠

峽忽病羅浮山不服藥妻子問後事笑摩之儵然

而逝志載葬於麻田揚州軾為文祭之紹興三年海

寇黎盛登開元寺塔見遠遊居問左右曰是非藏

蘇內翰圖書處否麾兵救之復料吳氏歲寒堂民

屋附近者賴以不蕪甚眾夷堅有子芑仲能文章

善書札嘗作歸鳳賦軾甚稱之嘗與復古書曰少

時在冊府嘗及接見先侍講下風死生契闊相遇

江湖感歎不已又有與吳秀才書即芑仲也志載

劉允字厚中海陽人胸臆夷曠於經史百家以至

天文地理醫卜諸書莫不該貫甫冠四薦禮部登

紹聖四年何昌言榜進士初任循州戶曹刻革官

倉宿弊輸賦者惟正供無有橫費時郡守重疲兵

卒雖給米日猶合採木乃謹聚謀變露刃至庭下

允以其意論遣之衆帖服改知程鄉縣歲旱州督

租如故允極力爭之會使者廉訪當具豐歉狀入

奏遂以實聞得免租例民戶歲輸軍衣布折納錢

價三百官市貢布價千有二百時主漕計者檄所

部合民折納如官市之直允堅不受命州趣之允

曰儻使者怒不過逐令耳乃具報云民折納者納

軍士官歲市者供至尊可一其價耶事遂寢權知

化州化州濱海歲市玳瑁翠羽以萬費允至悉罷

廣東通志卷三十九 列傳三十五

八

之旬日間決難折宿訟百餘案吳川煮鹽民蓄戎器以戒不虞令悉捕為盜以徼功賞獄成允辨釋之全活者五十餘人後除新循二州皆不赴致仕卒于家所著文存者二百餘篇子昉龍圖閣學士景舉賢良方正孫汝涓滋漁業儒皆繩繩繼美足稱世家

粵大

張夔字致堯湖州饒平人

戴嶺志云海陽人饒平志隆眼城都人隆眼城

都善屬海陽明成化十四年始割立德平縣

却豪戶賄黷賊吏有廉名諸司薦章有云南中

諸縣清介一人高宗特賜璽書獎諭擢判廉州廉

產沉香生金官此者皆囊括以歸夔一毫無取又

能化論羣盜合投戈白散遷知新州首興學校捐

俸梓五經以頒民間子弟築陂瀦水灌田千餘頃

民稱張侯陂前後皆以清節著高宗嘗書其名于

屏曰南有張夔北有周所夔五十登第七十致仕

卒年九十三所著有文號祿隱集子昌裔通判容

州夔嘗示以詩云慎勿與人交水火好尊名節重

邱山後改瓊州持身謹飭能不替其父風云

王大寶字元龜海陽人

和問貢辟雍建炎初廷試第二授南雄州教授以

祿不逮養移病歸閩數年差監登聞鼓院主管台

州崇道觀趙鼎謫潮大寶日從講論語鼎歎曰吾

廣東通志卷三十九 列傳三十五 九

居此平時所薦無一至者君獨肯從吾遊過人遠

矣知連州張浚亦謫居命其子棻與講學時趙張

客貶斥無虛日人為累息大寶獨泰然浚俸不時

得大寶以經制錢給之浚曰如累君何大寶不為

變代還言連英循惠新恩六州居民纔數百非想

遷之地月輪免行錢宜蠲減高宗謂大臣曰守臣

上殿令陳民事遂得知田里疾苦所陳五六得一

可行其利亦不細矣乃命廣西諸司具減數聞尋

知袁州

宋史沈清臣以詆和議貶沅道袁大寶雷

之數日僚吏白恐觸丞相怒大寶笑而不答

周易解六卷上謂執政曰大寶雷意經術其書甚

可采可與內除執政擬國子司業上喜曰適合朕

意時經筵閣官遂除國子司業兼崇政殿說書奏

江南諸州有月椿錢無定名數吏緣為姦刻到民

又有折帛錢方南渡兵興物價翔貴合下戶折納

務以優之今布帛匹四千而合輸六千盍委監司

覆月椿為定制減折帛惠小民詔戶部詳其奏直

敷文閣知溫州提點福建刑獄道臨漳有峻嶺曰

蔡岡藁薄蔽翳山石犖磽盜乘間剽劫大寶以囊

金三十萬募民扶藪登道十餘里行者便之尋提

點廣東刑獄孝宗卽位除禮部侍郎大寶言古致

治之君先明國是而行之以果斷自軍興以來曰

廣東通志卷三十九 列傳三十五 十

在日和平議靡定太上傳丕基於陛下四方日俟  
恢復國論未定衆志未孚願陛下果斷則無不濟  
握右諫議大夫首論朱倬沈該之罪皆行其言汪  
澈督師荆襄大寶劾其不能節制坐視方城之敗  
疏再上澈遂落職謫台州大寶嘗論及移蹕上曰  
吾欲亟行大寶奏今之勢殆未可願少寬歲月張  
浚復起爲都督大寶力贊其議符離失律羣言洶  
洶大寶言危疑之際非果斷持重何以息橫議未  
幾湯思退議罷督府力請講和大寶奏謂今國事  
莫大於恢復莫譬於金敵莫難於攻守莫審於用  
人宰相以財計乏軍儲虛符離師潰名額不除意

廣東通志卷二百九十二

列傳十五

十一

在慶軍籍減月給臣恐不惟邊鄙之憂而患起蕭  
牆矣章三上除兵部侍郎胡銓爲起居郎奏曰近  
日王十朋王大寶相繼引去非國之福上曰十朋  
力自引去朕留之不能得大寶論湯思退太早令  
爲兵部侍郎豈容復聽其去未幾以敷文閣直學  
士提舉太平興國宮他日銓奏事上復諭之曰大  
寶留之經筵亦固求去勢不兩立銓奏自古臺諫  
論宰相多矣若謂勢不兩立則論宰相皆當去大  
寶尋疏請致仕督府旣罷撤邊防棄四州金復犯  
邊詔思退都督軍馬辭不行上震怒竄思退中外  
以大寶前言不用爲恨乾道元年落職致仕

本傳

爲禮部尚書入對言理財之道當務本抑末右正  
言程叔達奏大寶乞復免行錢非是以舊職提舉  
太平興國宮中書舍人闕安中欲留其行叔達併  
劾之詔大寶以舊職提舉太平興國宮致仕  
尋卒年七十七所著有諫垣奏議六卷經筵講義  
二卷遺文十五卷及易詩書解行于世

黃

黃煥國字章卿揭陽人天資明敏涉獵經史登紹  
興辛亥進士初宰臨汀政協民心有勘亂之功由  
朝奉轉朝議通判汀州秩滿汀民臥轍畱之如嬰  
兒之失慈母立祠于南安巖再遷判鄞江

廣東通志卷二百九十二

列傳十五

三

三載卒  
林昌期海陽人自祖父相傳累世同居兄弟無異  
產紹興間郡上其事詔旌其門

王中行揭陽人登隆興二年癸未進士淳熙十二  
年宰東莞慈祥愷悌博洽能文以興學崇教爲首  
務舊學官傾圮損費市地建黌校勸農桑平賦役

邑人頌之有古循吏風  
東莞祀名宦本邑祀

鄉賢

潮州

盧順之海陽人侗之孫事母孝好學篤行鄉評推  
之登紹熙二年粵大記作四年是進士調肇慶軍節度推

官以母老僅書一考歎曰一日甘旨之奉猶勝十  
年仕宦之樂丐歸十年不調母沒終喪三年卒年

三十九官終文林郎黃志

鄭南升字文振潮陽人出漢儒元之後宋初徙潮

陽紹熙中朱子倡道東南與郭叔雲同往從之鄭志

篤志力學有疑質晦翁皆答之詳語錄中所問百

餘條多為晦翁所取嘗侍坐晦翁語曰文振近看

文字較細須用常提掇起惺惺不要昏晦時少閒

事來一齊被私意牽引得去須用認取自家身與

廣通志卷之九十一 列傳二十七

心卓然在目前為得主宰則事物之來區處得當

南升自是學益進晦翁喜曰看文字須以鄭文振

為法又云渠今退去心中却無疑也一時同門者

皆尊禮之戴志宏治丙辰祀鄉賢潮陽志

郭叔雲字子從郭志云潮陽人始見文公問為學

之初在格物物有理從何處下手文公曰人莫

不有知但不能推而致之耳格物是格理至徹底

處致知格物只一事格物以理言致知以心言也

又教以為學切須收斂端嚴就自家身上用工夫

自然有所得叔雲由是一意實踐不為虛文之學  
以禮教久廣慨然欲講求而舉行之有禮經疑二

十餘條見文公集中文公沒與北溪陳淳講論先  
後天太極圖易書之旨戴志與其弟割先業以充蒸

嘗忌及時祭一案禮書不用浮屠編宗禮宗義二  
篇以訓族卒祀鄉賢黃志

姚宏中字安道海陽人登嘉定元年應作七年進士先

試禮部時劉燾同知貢舉得其文以為根諸義理

擢第一名動京師及廷試前期齋沐思有以敷露

忠悃感悟上心考官以所對切直觸時忌抑不敢

置前列擢為一甲第三人旅寓都城一年自師友

講學外絕無他交歸端居一室惟日溫舊學調靜

江教授未赴卒年二十九宏中天資穎悟學力精

廣通志卷之九十一 列傳三十五

南

專性狷介不苟隨少從鄉前輩遊即志其遠者大

者及得濂洛諸大儒書讀之曰道在是矣菟深索

微意度超然若不屑於世戴志

胡斌潮州海陽人少以武階入仕為殿前司將官

童德興提禁旅成邵武江閩寇知邵武有備未敢

犯會招捕司檄德興稟議獨畱斌將弱卒數百鎮

城中紹定三年閏月己卯盜眾大至他將士皆遁

獨斌奮身迎戰所格殺甚眾賊益生兵官軍所有

僅數十人或告以眾寡不敵盡避之斌曰郡民死

者以萬計賴生者數千人由東門而出我不綴其  
勢使得脫走則賊攝其後無唯類矣遂巷戰大呼



曰我死救百姓兵盡矢窮卒遇害其屍僵立移時始仆事聞贈武節大夫錄其後一人樞密院編修官王堃言邵武民卽械戰地立廟請就以武節爲廟額從之宋史本傳

馬發海陽人德祐二年驛報至潮元兵已下臨安三宮北去元兵將壓境守令皆棄印綬走是年五月益王卽位于闕改元景炎十二月航海至崖山遣安撫使方輿來潮慰諭發時爲糧鋒寨正將承命權州事稱安撫使黃志二年元兵至潮陽先驅一人來諭降發嬰城固守元兵至與戰敗之越明年海陽盜陳懿導元將唆都圍城發修兵戒備守南

廣東通志卷三十九

五

門巡檢黃虎子與懿通潛開門納元兵鼓譟突入城遂陷發收殘卒百餘人人保子城勢窮力殫度不可爲合妻子縊死發自鳩時三月一日也粵大記陳夢龍字應辰先世莆田人端平間父仕穎山明經任潮陽知縣多惠政因樂其風土遂立籍焉夢龍少有材略舉開慶元年進士授石首主簿建言改州司法及二王浮海夢龍散家貲起兵赴援奉命招撫潮郡諸寇乃請信國文天祥至潮陽天祥南討與懿夢龍與有力焉海豐移屯文被執置舟中夢龍伏鄉兵於海口謀奪之不克戰死古隄子天麟孫士顯文英文治俱登仕籍入明有甲科曰

瑞龍惇臨鄉科曰復昌珙文明者皆其裔孫也潮陽志

趙嗣助字衍槩潮陽人父若龍字雲翔淳祐四年甲辰雷夢炎榜進士第一甲正奏名歷官秘書省撰制誥文章節義推重一時長兄嗣泰咸淳元年進士官國子司業仲兄嗣觀寶祐元年進士官泉州府知監潮陽志嗣助咸淳四年進士官至朝奉大夫一統志歷官中外著績居鄉有功民社潮陽志後佐文天祥討斬劉興宋亡不仕一統志張達饒平人景炎元年端宗舟次潮州駐蹕紅螺山明年正月遷惠州甲子門都統張達率義勇扈

廣東通志卷三十九

六

蹕妻陳壁姬送至南澳海中洲上勉達勤王後達弟格赴崖門壁姬賦平元曲寄達云三年消息無鴻使尺紙憑誰寄春怨何不將我張郎西協義維舟同虎帳無衙平口報明主恨身不是奇男子幾回聞難幾瀕死未審三郎能再覩宋亡達死壁姬得達屍葬之曰吾夫能死忠吾獨不能死節乎遂閉門不食而死崖山志李關字子羽海陽人早喪父事母至孝性敏好學通春秋諸子史皆識其大略至正間元兵逼城關乘夜負母避難歸外族從姪曾氏隱居不仕教授鄉邑子弟間有貧者輒與之書籍鄉人有爭者願

聞於官府恥聞於闔時號爲北源先生志

元

陳肅海陽人字文端宋寶謨閣待制恪之子宋末避亂鮑江教授蓮花山下講明正學文天祥過潮召見與語奇之檄爲參謀不就至元初以賢良應聘賜第舉署總管府事修文廟及濟川橋多惠政累官朝列大夫宣慰同知總撫湖廣常德路有奇勳遷樞密同知卒所著有蓮峯集孫元龍字仲章以經明行修授福建廉訪使政聲洋溢以疾歸隱龜山闡明濂洛之道戴希文嘗從學志

謹案戴志云元初以賢良舉總管府事越志

二十一年應聘賜第授朝列大夫任湖廣

常德同知孫元龍作元隆

戴希文名昌以字行海陽人博通經史不樂仕進自號野民敦行誼鄉人宗之至正間總管王翰治潮值寇賊槍攘學校廢弛乃聘希文主教事著有航錄行世志

張負號魯庵海陽人潛心性理之學靜處一室玩味經旨衣冠儼然端坐終日從遊受業者甚眾家居嚴肅冠婚喪祭一遵文公家禮潮人多化之元末盜起過其里曰此張先生所居不敢犯旁舍亦賴之以安志

明

周伯玉潮陽人初名瑤隱居修身以經史自娛元末州縣屢辟不起洪武初復膺徵命曰吾老矣無適於用也不就子三人彥敬彥作彥器俱受經於其母郭氏彥器最知名志彥敬領洪武五年鄉薦仕棲霞知縣彥作以儒士舉爲本縣訓導遷增城教諭潮陽志云彥敬彥器縣志作彥器彥作各稱彥彥器名顯志積學洪武十六年會罷制科舉名儒應詔第一志郭任大理評事居官清慎獄平允擢河南參議黃志召用三邊總制未任卒潮州志

蘇福潮陽神泉人今隸惠來生有夙慧再歲而孤五歲

不言一日見道旁死蛙曰此出字也謂蛙死仰腹形如出字

聞者驚異自是矢口成章下筆若有神助嘗從母隴上與北山驛遇驛戲之曰拾穗與神童應之曰折梅逢驛使其營敏多此類郭志後舉赴京以年少令有司護選給月米卒年十四所著有秋風辭統扇行公子行遣睡魔等篇八歲賦三十夜月詩傳于世黃志

林興祖字伯貞潮陽人七歲而孤母陳孀居教育及長習舉子業家貧假館以授生徒養母盡孝洪武初舉孝廉授蓬萊簿丁母憂居喪毀瘠服除改邵武府常豐倉大使戴志郡中歲饑時尚書夏原吉

巡撫福建將便宜行事郡集其屬謂曰民萃可懼孰能詣巡撫求賑者時隆暑棧赫衆莫應與祖慨然請行卽懷郡牒晝夜倍程以進巡撫覽牒未有言與祖懇懇言民命危急仰公如慈母義形於色巡撫遽檄郡發廩所活數萬口郡守丁原振薦之於朝陞當塗知縣有惠政遷代府長史當塗乞甯不尋皆涕泣去福建通志召還改工部都水司郎中陞廣西右參議時安南逆命出師討之既平郡縣其地改交阯右參議分守盤灘城一日餘寇復叛圍城急主帥慮先所招降三十餘人在城中爲變將盡殺之與祖曰吾既許以不死殺之不信且無以

廣東通志卷三十九

尤

致後來者寇解去在交阯再歲而卒藏志

林士猷揭陽人今隸澄海邑志各作仕猷字叔文制行廉潔博

學能文洪武初以儒士舉任本學教諭陞本府教

授學問該博尤善吟咏名動京師學士宋濂有云

潮去京師八千里林君不出州里而予知其名其所造不既深乎其爲名公所稱如此年六十六卒

于官祀鄉賢黃志

林祖字述古潮陽人少孤貧從鄉先生張奐學元

末盜起祖卽家避亂行遇獠賊母莊氏與弟進皆

被掠而去祖號追不能及旦暮悲慟籲天以誓曰

不見吾母吾無以生爲也徒走山谷中物色之至

程鄉犬吠拳地名見焉獠人阻不與歸請于官遣吏偕往審所贖以金還之去被掠時母子兄弟間

關十有四年矣洪武三年縣舉明經以母老乞准

終養十三年知府白叔敏復以孝廉舉赴京賜衣

九襲鈔五百貫授四川重慶府巴縣丞以廉能聞

陞河間府通判尋致仕卒于家藏志

胡文惠海陽人洪武中知泌陽縣革而復設民

雜處兩界中恃以逃賦惠撫字公平民皆歸化復

爲辨疆界俾其復業民遂安堵後爲重慶府推官

卒河南通志

林遜字志宏潮陽人生於元季與同郡楊璧師事

蔡希仁傳古文尙書而尤究心於當世之務希仁

嘗以康濟才稱之洪武甲子舉鄉試明年舉進士

授迪功郎福州閩縣丞歲饑請賑全活者衆入覲

得勅以歸因上書乞厲沿海捕魚之禁上特優詔

褒答焉在官四年年四十卒遷爲福清知縣已不

及拜著有尙書經義藏於家藏志

曾牧字守民潮陽人性鯁直積學工書屢舉不第

洪武庚午以貢入太學領應天丙子鄉薦第二永

樂胡爲兵部司務遷戶部員外居官質直有守晚

歲歸休鄉誥重之年幾八十卒黃志

許利海陽人洪武庚午鄉薦承樂二年授汀州連

廣東通志卷三十九

三

城縣主簿公平謹慎佐政有方決壅如流去任之後民猶思之後歷官刑科給事中卒汀州志

歐陽初字遂初潮陽人三歲失怙母王氏孀居守志頗知書家甚貧紡績教育遂初性聰敏事母極

敬年幾冠博學能文有司舉入邑庠應洪武二十

三年庚午鄉貢第二十六年授福建泉州府學

教授其教先德行而後文藝大振頹風一時閩人

士出其門者多矜名節嘗葺禮殿朱文公祠凡學

之廢墜者皆次第修舉秩滿轉廣西柳州府學教

授有成績永樂壬辰丁母憂以疾終於家泉人思

之祀于先賢祠至今潮陽士民稱為孝子云八閩志

廣東通志卷二百九十一 列傳二十五

圭

余真字景清潮陽人明習經術洪武二十六年歲

貢入國子監累試異等薦聞特授廣西道監察御

史居官水蘖自持時人呼雪白御史革除上書言

事觸忌諱謫四川按察司知事尋以病卒郭元孫

善師事陳白沙先生白沙弟由歲貢為橫州訓導

母老乞歸家居倡明四禮邑中號曰道學先生識

者謂其有得於真之遺訓焉潮陽志

李鳳字符昌饒平人生穎異歷覽書史識其大意

不能記誦家世業儒孝友雍睦為鄉邦稱重初

登海志云以人才辟授行人司正守正不阿調福

長樂令吏民先聲翕服泄政公平以安養為務

嘗別構觀濬亭於明德堂後以寓省耕勸農之意改調江會章除時事激烈不能平遂棄官歸杜門不出而卒祀鄉賢黃志

趙允字流中潮陽人洪武間長樂丞勤興民利十

一都海堤壞害稼允為修築至今賴之福建通志

吳衡揭陽人應作洪武三十二年實建文元鄉試

中式黃志永樂十三年任石阡府教授時初設學衡

能振起文教誘掖士類貴州通志在郡凡二十年黃志

林希蔭字宜民揭陽人澄海性寬仁莊重自幼能

屬文博通五經尤精春秋父客死非命貸錢扶柩歸葬奉母甚謹母歿廬墓三年有白鳥來巢囍子

廣東通志卷二百九十二 列傳二十六

圭

千羣聚楹三日弗散妻亡不再娶與海陽林厚友

善俱以孝聞永樂朝舉孝廉郡以二人薦謂厚曰

君有父母宜祿仕余不逮養奚任為厚隨舉進士

累官行省參政希蔭終家食不易志天順間海寇

行劫村廬盡焚過其門相戒曰此林先生之家也

慎勿犯族兄與鄉人訟郡守召希蔭至涕泣言曰

至誠不能化族黨非善也澄見沽名非直也守益

賢之晚號樂貧翁著有逍遙歌及二十四孝七言

詩梓行於世祀府鄉賢希蔭卒厚撰墓誌銘季子

巖嘗從白沙講道江門居家有禮恤孤寡周貧乏

積善行義不替父風黃志

鄭義字伯集潮陽人丰儀峻整少穎敏刻意誦書  
草聖妙絕暨人邑庠益博洽經史最後銳情于詩  
卒以詩名其教人讀書於膠轕肯綮處多有致剖  
析疑義啟迪不倦為文淵奧雄健中永樂辛卯首  
選授教職秩滿擢周府長史多輔導功晚年工於  
述作有文集若干卷著有右史集梅花等詩藏于  
家熟長子曼一女有淑德册為項城王妃曼封南  
城兵馬副指揮次子昇為周府儀賓

劉玘字允璋潮陽人生而聰敏博學強記永樂丁  
酉領鄉薦第一辛丑登進士授南京兵部主事以  
年老乞歸田里卒文章學業後輩多得其指授俱

郭張善潮陽人少失父母鞠於繼母張善事之甚  
謹永樂丁酉以儒士舉赴京上書自陳言臣少孤  
貧賴繼母陳氏撫教幸與俊髦之選得就職報効  
因移養以答母恩詔命翰林試其文得洪範九疇  
論以進上覽而奇之特授翰林檢討廷臣咸以為  
得人後秩滿稱職復任注意顯用會病卒粵大

陳克昌湖陽人實海陽人父彥恭嘗以學官論征交阯  
事忤文皇帝旨謫遣從英國公張輔南伐間關戎  
行蒲嘗辛苦及歸復教職復上章陳天下利病朝  
著之間其名遂顯任國子助教卒克昌積學明經

領永樂十八年鄉薦卒業曹監宣德七年擢為寧  
波府推官端謹重厚持操清白每折獄詳讞明恕  
吏無容奸後陞監察御史論事知大體綽然著聲  
望于時後卒于官蕭鑑尚志集

蕭鑾字景和潮陽人少勤學登宣德丙午鄉薦丁  
未進士初拜行人使甘肅亦力把力以至哈密多  
饋方物鑾厲聲曰天子仁聖惟恐六合之內一物  
不得其所故遣使宣諭汝等肯受汝賂乎遂不敢  
復有所獻上嘉其廉能擢江西道監察御史彈劾  
不避時遇禁獄囚犯家口百餘晨暮籲天告寃鑾  
自其事憲臺俾鑾詳讞時左都御史王文贖貨剛

狠語鑾曰御史好為之人罪不可輕出鑾果雪其  
寃文即推案大怒曰御史果輕出人罪法當誅鑾  
曰置無辜於死地法當爾耶即欲具奏文懼乃從  
之被釋者焚香載道祝壽鑾見而麾却之正統甲  
子秋予告歸省明年擢廣西提學僉事躬率諸生  
先德行而後文藝講習日有課程數年士風丕變  
人材迭出景泰辛未裁革提學尋丁母憂天順己  
卯起復除湖廣僉事時按察使楊珪謫黃州知府  
與衛鎮撫互奏事下所司皆推避鑾獨問擬如律  
珪由是謫戍庚辰丁生母憂辛巳珪誣奏鑾都察  
院奉旨訊得其實鑾復職得終制癸未復補福

廣東通志卷之七十一 列傳三十五 蕭鑾

僉事廉能有聲吏部尚書王翱欲擢以京職變力以疾辭成化乙酉擢山西副使比至有張瑄者以通政謫知霍州怙勢大肆剝部民百餘人據其事情會疏詣闕奏之有旨都察院行變鞠問變闕實罪狀黜瑄爲民反奏變陷已極其詆毀然公論莫不直變奏遂不行居二年上疏乞歸不允請至再三詔乃許之去日士民攀轅泣送遮道抵家囊無長物輜迹邱園不履公府時年近七十出入自策杖不乘輿馬人皆敬之八桂生徒有宦轍過潮者相見猶凜然其師道尊嚴如此

黃志

李若林湖陽人舉宣德丙午鄉試第二庚戌舉進

士授刑部主事

列傳三十五

善

法每獄辭具尚書輒嗟異以爲老吏不知也居久之會疾請告歸爲人善議論能接引後生一時邇遠聞風來集其門者甚衆晚年詩文與同邑李齡相伯仲稱二李卒年八十

同上



廣東通志卷二百九十三

列傳二十六 潮州二

李齡

葉溥 子喜雨

蕭鈴

鄭安

鄭璣

蕭鼎

韋濟

陳綱

鄭諒

黃濛

劉瑄

盛鳳儀 子端明

吳裕

姚琛 從弟瑗 從子縉

余琪

吳一貫

翁理

王昂

黃勳 子一道

廣東通志卷二百九十三 列傳二十六

吳廷瑄

李方

李大綱

林濟民

莊典

周用

陳猷

周鑰

黃用直

鄭一初

許洪宥

薛俊

潘文明

魏斌

薛侃

王軾

蔡邦玘

劉瑞葵

蕭與成

劉漢

楊鸞 兄驥

周季先 子光錦

陳璇

郭廷序 兄廷秀

薛宗鏜

翁萬達

陳思謙

袁鑑

王實 以上

明

李齡字景齡潮陽人自少以穎敏稱經史過目即成誦甫冠領宣德己酉鄉薦會試南宮中正統丙辰乙榜授賓州學正母憂服闋補國子學錄轉江西道監察御史勅命提督北直隸郡縣學未幾特旨陞詹事府丞景泰初選充官僚入史館與修歷代帝紀景泰丙戌上命為京闈考官掄選真材允

廣輿論英廟復辟輔導官多罪謫者齡以弗與建

儲得免改補太僕寺丞轉江西提學僉事齡欲士

子敦本尚行嚴責記誦痛抑奔競其自持一言一

動不苟餘干胡居仁躬耕孝弟力行有聞請主白

鹿洞教事以為學者式嘗建二陸講堂捐田贍士

有功于洞齡卒為立主從祀人或欺之亦篤信不

渝被讒而去時論惜之考其生平大抵忠厚不苟

徇俗文章政事為當時所重云 江西通志

葉溥字思周潮陽人 今屬饒平 正統甲子鄉薦博洽羣

書詩句肆口而成在郡學時教授莊姓者考績去

後置俸金四十兩埋庭中溥獲之買舟追至程鄉



還之莊酬其半溥堅謝不受比令大治政務實  
清操如布衣時以疾乞歸行李蕭然皆往時所攜  
物也子喜雨成化饒平貢令脩仁尚名節望知永

安州黃志

蕭鈴字景璿潮陽人長通敏有智謀昂然自奮耻  
碌碌隨人事父母盡孝正統丙寅父出粟千石賑  
民饑有詔以義民旌之景泰辛未舉宗為橫逆誣  
構世業半入于官父因隨沒鈴申雪于朝復其業  
間關奉柩歸葬其事先於忌諱日若歲伏臘祭薦  
酌古今禮以行晚作祠堂一區用嚴祀事未就而  
卒鈴善處諸弟諸弟每稟命而行於臧獲輩嚴泣

廣東通志卷九十三 列傳三十六

三

而慈畜之於宗戚鄉黨不能自存與大婚急喪貧  
不能卒事者時相助之至於踰越禮分桀黠為鄉  
里患者必使之不獲逞而後已是非曲直有不訟  
于官而之鈴之堂者至或為之具酒食和解之性  
不喜奢靡然於所當用者即倒困不顧天順己卯  
又出賑濟饑米八百斛詔義之賜七品秩為承事  
郎卒年六十四梁儲撰墓誌略

鄭安字康民海陽人敏悟絕人經史一覽成誦弱  
冠以春秋領正統丁卯鄉薦第一登景泰甲戌進  
士授河南道監察御史彈劾不避權要憲宗即位  
抗疏陳八事多見採用因南畿災變迭見復疏言

宜策勉大臣戒飭在位言甚剴切繼遷陝西按察

副使時番賊駝龍等一十五族為邊害巡撫檄安  
會軍撫補安直抵番界召酋長諭以禍福皆率眾  
詣軍門請降歸所掠人畜財物有二族既降尋叛  
安設方略討平之以南洮河一帶及西北路諸要  
害為番賊出沒之處皆築堡屯兵據勝固守邊鎮  
以寧復言番僧進馬者類多詐冒以所得錦綺製  
為戰袍宜加裁抑固原州土達滿四等據石城架  
砲山作亂出師討之安在行多贊畫滿四就擒安  
作西征鏡歌鼓吹以紀之居官二十年敝廬環堵  
如故未嘗增一產業秩滿以母老便道歸省卒于

廣東通志卷九十三 列傳三十六

家戴志

鄭璣字文象潮陽人幼失母復喪父繼母私其二  
子璣事之愈謹及弟長母欲析居璣則業取其荒  
器取其敝者後母為感泣復同居如故舉正統丁  
卯鄉試署靈川教事尋擢寧波府學教授入為國  
子學正其立教必嚴義利之辨取予不苟士多感  
化者郭志歷官廿載死至無以為殮其清苦殆出於  
其性云黃志

蕭鼎字伯鉉海陽人景泰庚午鄉薦登天順八年  
進士任工部虞衡司主事總理遵化鐵冶革宿弊  
課羨而民不困完舊運課以萬計改戶部主事出